



MISIONI SHQIPTAR

Shën Mënë Tereza

739 Browns Line, Etobicoke, Ontario M8W 3V7. Office: 416-503- 4509, Don Prendi: 647- 446-4321
Email: albmission@live.ca; donprenkola@hotmail.com; Web: www.misioninenetereza.com

E DIELA E TRETË E KRESHMËVE, 7 mars 2021

Lexim prej Librit të Daljes

Atëherë Zoti i tha popullit nëpërmjet të Moisiut të gjitha këto fjalë: “Unë jam Zoti, Hyji yt, që të nxora nga dheu i Egjiptit, prej shtëpisë së skllavërisë. Mos ki tjetër zot, përveç meje. Mos bëj kurrfarë idhulli as farë përfytyrimi të gjërave që janë lart në qiell, as të gjërave që janë poshtë mbi tokë, as të gjërave që janë në ujë nën tokë. Mos i adhuro ato as mos u jep farë nderimi, sepse unë, Zoti Hyji yt, jam Hyj ziliqar që e ndëshkoi paudhësinë e etërve në fëmijë deri në të tretin e në të katërtin brez të atyre që më urrejnë, por që jam i mëshirshëm me mijëra brezni për ata që më duan e i zbatojnë urdhërimet e mia. Mos e merr nëpër gojë kot emrin e Zotit, Hyjit tënd, sepse Zoti s’do ta lërë pa ndëshkuar atë që do ta marrë nëpër gojë kot emrin e Zotit, Hyjit të vet. Të bie në mend ta shenjtërosh ditën e shtunë: gjashtë ditë puno e kryej të gjitha punët e tua; kurse e shtata ditë është e shtuna e Zotit, Hyjit tënd: mos bëj kurrfarë pune ti as biri yt, as bija jote, as shërbëtori yt, as shërbëtorja jote, as kafsha jote, as i huaji që banon te ti. Sepse gjatë gjashtë ditëve Zoti i bëri qiellin e tokën e detin e gjithçka gjendet në to e pushoi ditën e shtatë; prandaj Zoti e bekoji ditën e shtatë dhe e shenjtëroi. Nderojë babën tënd e nënën tënde që ta kesh jetën e gjatë përmbi tokë që do ta japë Zoti Hyji yt. Mos vrah! Mos bëj kurorëthyerje! Mos vidh! Mos bëj dëshmi të rrejshme kundër të afërmit tënd! Mos e lakmo shtëpinë e të afërmit tënd. Mos e lakmo gruan e tij, shërbëtorin, shërbëtoren, as kaun, as gomarin, asnjë gjë që i përket atij.

Psalmi 25

Ti, o Zot, i ke fjalët e jetës së pasosur

I përsosur është Ligji i Zotit,
shpirtin përtërin;
për t’u besuar është Dëshmia e Zotit,
të miturve u jep dijen.

Urdhërimet e Zotit janë të drejta,
kënaqin zemrën;
urdhri i Zotit është i qartë,
dritë u jep syve.

E panjollë është frika e Zotit,
nuk ndërron në shekuj të shekujve;
gryqet e Zotit janë të vërteta,
të gjitha një të drejta.
Më të çmueshme se ari,
se më i pastri ar, më të ëmbla se mjalti,
se hoja që rrjedh mjaltë.

Nga Letra e parë e Shën Palit apostull drejtuar Korintasve

Vëllezër, ndërsa hebrenjtë kërkojnë mrekulli e grekët lypin urti, ne predikojmë Krishtin e kryqëzuar – për hebrenj shkandull e për paganë marri, kurse për të grishurit – si për hebrenj si për grekë – Krishtin, fuqinë e Hyjit dhe dijen e Hyjit. Sepse, çka në Hyjin duket marri, është më e dijshe se njerëzit; e çka në Hyjin duket dobësi, është më e fuqishme se njerëzit

Shërbimet ndaj komunitetit dhe informata

- Orari i zyrës: çdo të premte: 10.00am–4.00pm.
 - Jashtë këtij orari mund të lini porosi ose të dërgoni një email.
 - Për pagëzime dhe kunorëzime kontaktojeni vetë meshtarin para se të vendosni datën.
 - Kungimi i parë dhe krezmimi – ju lutemi të lajmëroheni sa më parë te prifti.
 - Lëmosha dhe donacionet e ndryshme: **Benjamin Hasko 100, Zef Deklaj 300.**
 - Kanë pague hakun e Kishës: **Pal Marku, Zef Deklaj, Nush Dokaj, Petrit Ujkaj, Edi Linadi, Martin Pjetri.**
 - Kanë dhurue për Fondin e ndërtimit dhe renovimit: **Nue Cacaj 1000** (material ndërtimor).
 - Sikurse është edhe vetë rekomandimi i Kardinalit Collins, ju ofrojmë mundësinë të kontriboni online nëpërmjet 'Donate Now'. Kjo iniciative është e drejtuar pëllërisht nga Arqipeshkvia e Torontos, dhe është një mënyrë e thjeshtë dhe e sigurt për të kontribuar direkt me llogarinë e Kishës tone. Ju lutemi te klikoni ne linkun me poshte: <https://community.archtoronto.org/s/page.aspx?pid=416>
- Nëpërmjet faqes se mësipërme, ju mund të dhuroni *lëmoshen e javës, hakun e Kishës*, apo edhe te kontriboni për building fund. Përveç shumë, ju lutemi të perzgjedhni St. Mother Teresa Mission Toronto, si dhe tipin (emrin) e donacionit.

† 7 mars 2021 — Mesha pa popull në kishë në mënyrë virtuale në orën 11.15am. Pas Meshës mundësia për rrëfim.1

KALENDARI JAVOR i shenjtërve dhe festave




H Shën Gjoni i Hyjit
M Shën Franciska e Romës
Mr 40 martirët e Sebastës
E Shën Benedikti
P Shën Justina
Sh Shën Lazri

Meditim

Kreshmët – kohë e pendimit

Pendimi na duhet absolutisht. Asgjë nuk ka forcë më të madhe për t'i përmbajtur pasionet e çrregulluara të shpirtit dhe për t'i mposhtur epshet natyrore të arsyes së drejtë. Atëherë do t'i zotërojmë gëzimet dhe kënaqësitë qiellore të cilat i tejkalojnë zbavitjet e tokës sa shpirti e tejkalon trupin, dhe qielli tokën.

Meqë Jezusi më nuk mund t'i jetojë Vuajtjet në trupin e tij, Kisha Nënë e siguron mundësinë për ta lejuar Jezusin t'i jetojë Vuajtjet dhe vdekjen e tij në trupin, zemrën dhe shpirtin tonë. Megjithatë, kjo nuk mund të krahasohet me Vuajtjet e tij, sepse prapë kemi nevojë për shumë hir vetëm të pranojmë ç'të na japë dhe të japim ç'të na marrë me gëzim, dashuri dhe një buzëqeshje.



(Nga thesari shpirtëror i Nënë Terezës)

Hebrenjtë donin një Hyj që të zgjidhte problemet e tyre me anë të mrekullive; por mbi kryq Krishti hesht. Grekët donin një Hyj që të dërgonte harmoni në univers; dhe Krishti zgjedh vuajtjen dhe vdekjen. Si për të parët ashtu edhe për të dytët Jezu Krishti është një skandal. Por për atë që beson Krishti është fuqia dhe dija e Hyjit.

† Leximi i Ungjillit shenjt sipas Gjonit (2, 13-25)

Ishin afër Pashkët e hebrenjve e Jezusi u ngjit në Jerusalem. Në Tempull gjeti shitës qesh, delesh e pëllumbash dhe thyes të të hollash duke ndenjur aty. Atëherë e punoi një frushkull konopësh dhe i dëboi nga Tempulli të gjithë së bashku me dele e me qe. Thyesve u derdhi të hollat dhe u rrëzoi tavolinat. Shitësve të pëllumbave u tha: "Hiqni këta prej këndeje e mos e bëni shtëpinë e Atit tim shtëpi tregtie!" Nxënësit e tij u kujtuan se është në Shkrim shenjt: "Zelli për Shtëpinë tënde më bren!"

Atëherë ndërhyjnë judenjtë dhe e pyetën: "Ç'shenjë na jep se guxon të veprosht kështu?" Jezusi u përgjigj: "Rrënojeni këtë Tempull e unë do ta rindërtoj për tri ditë!" "Dyzet e gjashtë vjet zgjati ndërtimi i këtij Tempulli – i përgjigjen judenjtë – e ti do ta ndërtosh për tri ditë?" Porse Jezusi foli për tempullin e trupit të vet. Kur u ringjall prej së vdekuri, atëherë u ra ndër mend nxënësve se këtë kishte dashur të thotë dhe i besuan Shkrimin shenjt dhe fjalës që tha Jezusi.


Gjatë qëndrimit të Jezusit në Jerusalem në kohë të festës së Pashkëve, shumë besuan në emrin e tij, kur panë shenjat që bëri. Porse vetë Jezusi nuk kishte shumë besim në ta, sepse i njihte mirë të gjithë. Nuk kishte nevojë t'i dëshmonte kush për njeriun: sepse ai e dinte mirë çka njeriu ndryan përbrenda.

Jezusi duke dëbuar tregtarët nga tempulli, shpall fundin e ligjit, të tempullit dhe të flisë. Pas ringjalljes së tij paraqet vetveten, trupin e tij të lavdishëm si tempulli i vërtetë i Hyjit. Ringjallja do ta bëje trupin e tij banesën e Shpirtit Shenjt. Jezusi vetë do të jetë prania e Hyjit për të gjithë gjithmonë dhe kudo.



Jezusi dëbon tregtarët nga tempulli

"Frushkulli" shpirtëror. Sikur të mos e bënim, ndërgjegjja jonë do të rrezikonte të plogështohej e të mbushej me gjithfarë vesesh. Në jetën tonë ishte dashur të zinte vend ngultas dashuria për Krishtin e kryqëzuar e jo veset dhe mendësia mëkatore e botës. Prandaj Shën Pali nuk druhej t'u thoshte Korintasve: «Ne predikojmë Krishtin e kryqëzuar... fuqinë e Hyjit dhe dijen e Hyjit. Sepse, çka në Hyjin duket marri, është më e dijshe se njerëzit e çka në Hyjin duket dobësi, është më e fuqishme se njerëzit.» "Frushkulli" i ëmbël që Jezusi i kryqëzuar mund të përdorë brenda nesh, na ndihmon t'i sjellim sytë tanë sërish kah Zoti me fe të gjallë dhe, në këtë ecje krezhmore, të jepemi – edhe pse me ligështinë e natyrës sonë – pas kryerjes së zellshme të vullnësës së Tij. Ai nuk do të na lërë vetëm (RadioVatikani).



Tempulli i parë (koha e Solomomit), viti 957 Para Krishtit

Imformime dhe falënderim: Të dashtun vëllazën dhe motra, objekti që morëm për ta renovue dhe për ta përdorë për 10 vjet falas, pothuaj se ka përfundue në tanësi. Tashma dhe kemi fillue ta përdorim nënkulmin e objektit për banim. Kanë mbetur teksta disa gjanë të imta deri në kryerjen e plotë. Falënderoj të gjitha ata që ndihmuam me punë fizike dhe donacione, përkrahje dhe nxitje. Zoti Ju shpërbleftë me të mira dhe hiri!

Me respekt: Don Prendi